



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六五八

得一山房詩集二卷 唐懋功撰

一

燹餘吟草十二卷 張經贊撰

二九

敝帚集二卷 思孚撰

二五三

瓶城山館詩鈔十六卷（初存八卷續存八卷） 周劼撰

二九五

保心堂詩鈔一卷 思成撰

五五五

如如老人灰餘詩草十卷 鳳瑞撰

五七一

徐漢卿先生詩集四卷（姑存草一卷更生草三卷） 徐壽彝撰

六〇五

得一山房
詩集兩卷

光緒癸巳
冬月校刊

得一山房詩集目錄

上卷目錄

丙辰六首

病中贈內

病起慨時事用少陵諸將五首韻五首

丁巳二十首

清明展先大人墓

哀黃巾

枇杷

寇警仍用少陵諸將五首韻五首

居停避寇東下蒼梧子因謀生無地勉與偕行然憂患

得一山房詩集目錄

中之別離益增悽惻矣賦此以別家人

過陽朔甲史小筠司馬

舟次

初到蒼梧寄家書

之廣州

越王臺

自廣州旋里

龍江行

衡陽道中

自永州取道濯陽拜先大父墓

不寐

過宗十兄舍時下世歲餘矣

戊午二十五首

三元日試筆示景崧景崇兩兒

正月初七日過雷酒人墓 清明後一日郊行

上冢 春暮書懷 四首

哭長女景淑 八首 贈王正先 二首

秋夜 二首 哭周瑤圃舅

度歲 四首

已未七十首

詔開 恩榜敬紀

贈王正先次唐小松韻 二首

書王正先前悼亡詩後 五首

詠古仙事戲贈王友山 四首

手一山房詩集目錄 二

仿遊仙詩再贈友山 四首 落花 六首

漫興 六首 插秧詞 六首

夢亡女 四首 書王介甫臨川集後

王正先挽詞 六首 壽內子

寇警 四首 和謝方山重九日韻 四首

紀事 四首 王友山挽詞 四首

北上未能賦以志慨 落葉 六首

小除前一日解館愴懷友山

庚申三十首

遊堯山 四首

陽朔黎覃諸生執贄來學觸悲史小筠司馬並懷許梅

生暨汪鼇峰姻丈 三首

春宮怨 八首 奉懷王霞軒太守 八首

秋日重登獨秀峰 秋宮怨 六首

辛酉五首

春仲述懷兼勸從遊諸子 五首

下卷目錄

壬戌三十三首

衛輝題壁 二首

禮闈被放留滯都門賦呈劉琴舫王子遜兩秋曹 四首

得一山房詩集目錄 二

京寓秋日 十一首 聞時事有作 四首

蔣霞舫老友重任館職仲冬朔日初度家杏坡孝廉以

詩致祝見示和章次韻奉答 六首

旅懷再次杏坡壽霞君韻 六首

癸亥二十一首

寄內 七首

秋感用劉少寅大令遊北海韻 四首

意有未盡再疊前韻 四首

新婚詞爲劉雲泉吏部作 六首

甲子四首

五十初度及門諸子攜尊過祝賦謝四首

乙丑六首

重遊堯山白雲觀四首
歲暮遲崧兒不至二首

丁卯一首

送周葭浦觀察之江西

辛未三首

贈劉一橋
賀靳迪丞吏部得子

寄懷蘇禾村大令

壬申十一首

和蘇禾村留別平鄉原韻四首

得一山房詩集目錄 四

和韋伯謙編修視學黔中留別原韻四首

代題胡姬射雁圖
嘲邯鄲看花者

喜崇兒還京

癸酉七首

正月初七日立春示丙子二首

三月十七日六十自壽

三月晦日偕家人遊極樂寺觀海棠和壁閒定親王韻

寄和蘇禾村乞養歸里留別原韻即以贈行二首

十刹海看荷花兼遊天甯寺

甲戌十四首

入闈日示丙二首

美女吟下第後作五首

與丙子改詩

和女夫趙心笙文粹之官密雲原韻六首

乙亥十一首

新正四日雪

中秋二首

夜讀四首

九日追感舊遊

新寒

老病二首

丙子四首

送劉雲泉吏部出守甘州即次留別原韻

共二百七十一首

得一山房詩集目錄 五

得一山房詩集卷上

灌陽 唐懋功 雲均

丙辰六首

病中贈內

結縭二十載柔順秉坤德井曰煩親操鹿車挽相得丈夫志飄舉驅馬歷燕北三度隨計偕猶未沾祿食靈椿痛凋謝遊子心惻惻歸來面破壁雲路斂鵬翼母老不言苦賴汝修婦職兒書雜女課督率頗能力以此室家樂翻忘寇盜逼窮冬二豎侵萬怪滋狂惑守視朝與昏面目增顰黑椎髻已傷儉茲更屏修飾延年願身代卻得一山房詩集 卷上 十

肉謹齋式樊英下牀拜惡予重差忒慎勿厭糟糠前賢吾是則

病起慨時事用少陵諸將五首韻

西風落葉滿空山偶觸沈疴晝閉關藥曰茶鑑貧病裏仙梯佛筏去來閒魔生種種秋燈綠儺逐轟轟夜火殷幸解敬兒通體熱昨朝阿母露歡顏兩軍私鬪閉重城降卒戈矛叛將旌大府黃巾收養子窮鄉赤土走殘兵無人醫世肱能折惜我還山夢不清病起尙聞餘孽在滿腔幽憤未能平雷洪相繼擾兵烽一炬居民屋萬重斷梗頽垣談戰蹟

殘山賸水弔遺封鶴飢官亦攜糧餒虎怒人難割肉供爲憶臨邊新建伯平蠻餘壘衛編農

吳楚連屯築戟標橫江鐵鎖任沈銷雲間奏捷憐遲滯海內知兵歎寂寥在柙豈容逃虎兇行軍徒喜挾狐貂氣猶人三車慈致身何必思投筆尺一求賢下聖朝剝啄門疏好友來依人梁燕動餘哀河汾久廢談經席鄉里難尋避債臺生甌有塵羞索米澆書無酒悶停杯此身未逐浮雲去肯棄深山歎不才

丁巳二十首

清明展先大人墓

得一山房詩集

卷上

二

生兒及壯強流光如逐電兒少迫飢驅終歲幾相見邇來風木高家食缺珍膳依依卸下身落落生前面趨庭事詩禮二十黍秋薦一第何足榮偃蹇櫻桃宴親老思求祿駑馬長安戀卽別憶前期神昏互眊眊提挈雙孫俱歧路淚如霰明知事無據竭力仰天眷勉哉絕裾行旣北仍背戰燕南大風雪遽遺終天變含辛理歸裝吳越舟車徧麻衣迂道返鄰里動哀吟新封啓馬鬣匠石督營繕臨歿視飯含旣殯修朝奠此禮未能循兒罪當誅譴賴茲夜臺居紆曲近郊甸寒食開野棠風迎紙灰冒烏哺無報期悽聽山禽囀

哀黃巾

樓槍掃屋天狼起草澤藏奸殊未已夜半忽驚妖鳥鳴
十室村落九奔徙遙遙爭向都垣行肩擔背負如風駛
年來魍魎欺湘灘既據巖阿據城市黃巢未滅民無家
救焚孰似橫衝李非教道路交荆棘誰把鋤犁弄煙水
我從京國歸故園冷抱殘編飢不死屢聞家山照烽火
悲哉吾族失棲止高牙大纛何巍哉養虎戕人爲禍始
安得長劍青天倚誅汝漢池盜兵子

枇杷 詠降賊黃金亮復叛也男崧謹注

攀枝附葉竟成林費盡當年雨露心一自西園風起後
得一小房詩集 卷二 三

教人徧地捉黃金

寇警仍用少陵諸將五首韻

連宵風雨歸春山羣盜如毛竟叩關驕騎縱橫荒冢裏
妖狐出沒亂峯閒刀光潑水都成白篝火驚人幸未殷
聞有桓桓諸將在似能殺敵慰愁顏

玉簪羅帶此孤城大將驚邊擁旌行李倉皇朝避寇
征聲潦草夜催兵杞憂但乞天能釋梗泛終憐水不清
我是幼安甘寄跡黎牀高卧盼隆平

誰縱沿江被賊烽長鯨奔吼浪千重已成流寇開奇劫
幾見居民守素封鼠目鸞頭登薦牘租庸閒架急軍供

傷心南陌春光老荷鋤猶稀挾五農

象郡城高古建標柳州折柳總魂消萬家人肉同糜爛
幾隊軍容走寂寥豪馬未聞皮用虎封侯爭慕尾垂貂
黃蕉擬薦劉司戶儘有忠言達廟朝

嶺表何人仗劍來偶談時局一悲哀謀生待索枯魚肆
懷古思登戲馬臺局外閒身難借箸世閒危命且銜杯
罪言杜牧虛饒舌攝亂安知鮮異才

居停避寇東下蒼梧子因謀生無地勉與偕行然

憂患中之別離益增悵惻矣賦此以別家人

憶昔乘車驅燕梁時清猶復攫客腸況當封豕兼貪狼
得一小房詩集 卷上 四

卷上

突城日日防鴟張抽身豈懼爲童汪胡爲雲去蒼梧疆
欲行不行中徬徨坐無寒甕居無糧饗餼何以羞高堂
啼飢兒女紛成行硯田秋穫愁荒莊譬如傀儡登優場
隨人曳繫難自將翩然拂袖肩遊囊出門惻惻歌迷陽
但期烽火清瀟湘他時仍理歸與裝老親或釋倚閭望
萊妻相對羅酒漿稚子索抱牽衣裳居者行者同安常
我持此願祈穹蒼問天畢竟茫茫臨歧涕淚徒憂傷
過陽朔弔史小筠司馬

斯人已云歿慷慨意猶存論友交原淺招賢誼獨敦解
囊分厚祿裹革憫忠魂陽朔山仍在重來舊雨昏

舟次

片帆東下夕陽斜遙指蒼梧泛客槎山水有情成盜窟
干戈無計問生涯霜鴻得路思逃繳風鶴催程怕聽笳
同望鄉關三百里綠楊江店野煙遮

初到蒼梧寄家書

萬斛愁先寄他鄉旅泊初堂前來日諾燈下隔宵書
路談眠食衙齋報止居便鴻雖早達兵革自憂子

之廣州

炎風吹袂上輕舸悶與篙師話寂寥此去羊城鄉夢遠
離心夜夜海門潮

得一山房詩集

卷二

五

越王臺

捷足憑爭逐鹿原坐收威望百蠻尊霸圖割據輕秦法
帝號銷除重漢恩行樂暮年孫繞鄒留名炎海客招魂
鄭仙祠宇荒臺近真定曾無祖墓存

自廣州旋里

桂林西望蕩心旌笳鼓連江礙客行負米艱難逾百里
束裝慚愧倚諸生亂離畢竟還家好迂拙何堪與俗爭
設醴早知人意薄衡湘賺得事長征

瀧江行

我行曲江曲江轉舟不住溯流喚輕舸涉險探奇路山

深晴亦陰水激石尤怒層巔刺雲霄茅屋隱煙樹白馬
既狂奔駟韓瀧復倒注長年百丈牽緣崖同蟻附扶
舟石罅行虎口爭吞吐歷灘若升階上一一回顧懸溜
爲之趨但憑忠信渡巍巍吏部祠韓伯祠組豆致深
慕祝公挽狂瀾行役得安步紆曲三日程驚濤夢中赴
同望藍豪山在東昌蒼蒼渺雲霧

衡陽道中

客途無可達紆折赴衡陽野草帶秋意江流來故鄉人
歸沙岸暝賊擾水程荒落囊金盡前期索辦裝

自永州取道灌陽拜先大父墓

得一山房詩集

卷上

本

十年不向故山歸世亂家貧願屢違瀟水煙帆牽昨夢
墓門秋樹弄斜暉九原聚處兒孫樂先伯墓四壁蕭
條舍宇非麥飯薄將遊子意靈風吹淚上征衣

不寐

冷共妻孥坐宵長夢各成寒蟲號斷壁飢鼠噉空甕貧
況中年逼愁心隔夜生老大家計拙轉使睡魔清

過宗十兄舍時下世歲餘矣

韶年几案弟兄親此日登堂獨愴神書舍一椽尋故跡
同宗兩代屬陳人身無長物防肱筵室有佳兒慰析薪
貧賤交情生死淚朔風寒雨客中身

戊午二十五首

元日試筆示景崧景崇兩兒

猛雨連晨洗歲華，鴻鈞一氣轉龍蛇。
尊餘臘酒偕妻醉，戶換春聯少客過。
身外浮名同爆竹，眼前生趣問梅花。
三年循例開秋榜，努力工夫遂密加。

正月初七日過雷酒人墓

春陰漠漠亂峰蒼，獨步城東弔酒狂。
人日尋君山徑寂，野風拂客寺門涼。
生耽麴蘖春常在，死傍桃花冢亦香。
終古浮名杯酒酌，裏醉鄉高似白雲鄉。

清明後一日郊行

得一山房詩集

卷上

七

朝出東郭門，幽懷契孤往。
行行梵剎閒，空翠生林莽。
避險嶺溪橋，安步循平壤。
前峯露巖坂，宿雨延新爽。
先人墓田在，冷節一瞻仰。
言從北郭旋，春流截輕漿。
戚誼依門楣，播間亦致享。
薄午微曦開，歸憩吾廬敞。
昨朝插柳枝，青青猶映幌。

上冢

溼雲低墮亂山中，上冢人稀履跡空。
寒食杏花江店雨，清明楊柳野塘風。
重泉有淚悲先子，異縣招魂作寓公。
尊酒盤飧無限恨，惜兒潦倒諒兒窮。

春暮書懷

東風吹夢入江天，綠暗紅稀又一年。
滿地落花春寂寂，連旬好雨晝綿綿。
蓬蒿隨分忘榮辱，桃李成陰判後先。

排闥青山青未了，四郊差幸斷烽煙。
風塵瀕洞厭征鼙，亂後鶯花也自迷。
流水光陰三月暮，浮雲身世百年齊。

吟詩杜老工無益，下第黃酒用久稽。
慚愧銜泥春燕子，杏梁仍傍故園棲。
蕭齋兀坐面書城，惜別情因舊侶生。

北闕文章工奏賦，劉縞縞西江旗鼓壯談兵。
狂騷立辨疑難，踴躍未妨吾道分途用，但願臣心似水清。

知否山中無賴客，暮雲春樹悵離鶯。

春樹悵離鶯

得一山房詩集

卷上

八

短衣長鋏競從戎，兵甲何人久在胷。
螳臂當車原易折，虎頭食肉竟難逢。
威宣西蜀思司馬，暖入南陽起卧龍。
大旱爲霖殷悵望，早興時雨慰三農。

哭長女景淑

曇花一現了前因，芥子無功劇喪身。
病竟何名輕致死，悔將兒命試醫人。

生小貧家喚奈何，剝前依倚廿年過。
可憐蓬戶盈盈女，那有春風襲綺羅。

殘衫破鏡不成妝，難免臨風淚數行。
自是無財堪慰汝，他生福慧乞空王。

兒時問字太纏綿弱弟相偕坐並肩縱使阿連叨上第
女嬃結冷泣重泉

厨煙朝起佐晨炊蓬髻栖栖母氏隨此後斷齏分粥處
更無人影奉盤匱

女紅促迫漏聲殘火盡熏籠十指寒鍼線飄零何處去
霜天回首月如丸

欲賦桃夭事漸諧誰知鴛牒竟成灰不花豈是冬生樹
懶學池蓮並蒂開

招魂無路哭蒼冥枉比金鑾長十齡地下若逢諸老輩
爲言族屬太零丁

得一山房詩集

卷上

九

贈王正先

不管干戈滿路愁杉湖隄畔狎閒鷗綠陰黯黯通花徑
赤日荒荒下竹樓名士園林工位置孤山梅鶴伴風流

繁華門第容高卧清福先生幾世修
書畫雙鉤滿月廊亭臺消受水天涼癡情愛物成孤趣

冷面逢人抱熱腸有子羈縻湘浦棹何時吟醉輞川莊
年來箕踞遼東客塵海相期結靜航

秋夜

吟懷悵觸已涼天黃葉黃花盪晚煙滿地月明秋似水
一庭人靜夜如年煩憂夢亦無佳境排遣詩聊改舊篇

燈火漸親書味永垂髫兒女伴華顛

坎塲嘗來世味殊難將溫飽慰妻孥馳驅未必無長策
慷慨誰憐擊唾壺墮俗久憑天位置送人時被鬼揶揄
西風瑟瑟長安道過夏當年計總迂

哭周瑤圃舅

苦雨淒風五十年半曇陽斷暮秋天生來薄命甘長屈
死到他鄉枉自憐財豈有餘逢劫火人因太瘦戀寒煙
孤兒殘婦誰相恤宅相無能愧昔賢

度歲

臨門添喜色昨日換桃符菽水慈親慰盤飧稚子呼命

得一山房詩集

卷上

十

兒仍祀竈攜婦且圍鑪守此全家樂癡狀賣得無
五鬼非讎我艱難鑄此身不知年已暮但覺物皆春天
地爲同旅江湖著散人然燈照虛耗從此莫言貧
慷慨從軍士邊隅大合圍風霜趨戰壘雨雪灑征衣以
我歲相賀念伊時未歸鄉邦勞底定何日息兵機
小飲屠蘇酒轟聞爆竹聲年分新舊夕漏住短長更狠
藉書連屋鳩居宅面城幽棲徒壁立猶幸舉家清

已未七十一首

詔開

恩榜敬紀

九重丹詔鳳銜來 帝有恩言慈榜開四海瞻雲齊獻頌
十年樹木早掄才奎垣文耀消兵氣斗極仙輝映
壽杯收取羣英供華祝南山佳什賦臺萊

贈王正先次唐小松韻

鳥喚東風綺語新雙柑攜聽耳堪親得時媚態花添錦
憂世危懷火厝薪毒霧蠻煙被野淡雲微雨自生春
緼袍落寞鳴吾素寒士何庸轉諱貧

一抹園林綠意新花朝纔過蝶蜂親桃根分淪鑪中茗

槐葉悲添澗底薪正先有前後婢人劉氏人到有情翻駭俗

世如無夢不成春與君共作羊裘客坐嘯湖山且耐貧

得一山房詩集

卷上

壬

書王正先前悼亡詩後

錦瑟曾拋第一絃花中春夢渺如煙不期腸斷聆君奏
槎觸離懷廿五年

已了前因締後因東陽門闕雁重陳畫眉窗下談姻亞

道是蘇程兩世親

十戰秋風一第償輿來親爲賀探香慮寒代畫看花策

贈與輕裘禦肅霜

資斧蕭然望孰分先生高義等天雲窮途託與飛鳬令

謂通書戴季葵大令事料得同心是細君

悵望東郊掩墓門白楊蕭瑟雨昏昏聞鈴不共調哀曲

那識思恩有深痕

詠古仙事戲贈王友山

罡風吹斷步虛聲金闕霓裳奏不成子晉偷身來下界
月明綏嶺獨吹笙王子晉

久攜佳耦踏雲煙馭鶴騶鸞閱歲年底事雄心難解脫
咒將雙樹鬪庭前劉綱樊夫人

山中相與飯胡麻那許劉郎別有家如此夫妻風味好
可曾觸怒斫桃花天台仙女

瓊枝羅列護瑤臺金母木公親手栽仙李不須重問種
好花送與別家開木公金母

得一山房詩集

卷上

壬

仿游仙詩再贈友山

昨宵風雨擾蓬瀛似爲微雲掩太清色相未空煩惱集
是嗔是喜不分明

老尙癡情色界天雲階月地慕嬋娟無言悟出拈花旨

冷落禪心近十年

畢竟僧家貴懺除迷樓莫道是真居春風曉夢飛蝴蝶

記得南華秋水書

襪被嵩山睡未休有人喚醒始撐頭卻疑寶月圓光合

不待吳剛斧再修

落花

十八封姨劇薄情瑤臺吹散紫雲英非關選色難重覓
未識聞香可再生雨洗枝頭蝴蝶夢月明林下杜鵑聲
繁華要待佳時節莫向東皇訴不平

茫茫大塊煥文章絕艷曾經壓眾芳莫笑呼僮紛掃徑
須知留客尚飛觴瓊林風攪春三月蘭漿波旋水一方
幸有濃陰兼茂實何妨游絮共顛狂

狼藉脂脂徧砌臺前身本屬不凡材儻教雨露蒙長養
也傍煙霞耐久開青鳥音沈仙島隔朱輪聲斷劫灰來
出門何處舒雙眼踏破芒鞋失意回

千紅萬紫競春輝那識韶光轉眼違出塞佳人辭殿鏡
得一山房詩集卷上 車

還鄉故吏解朝衣金鈴失護恩先斷羯鼓停催力更微
惟愛秋容增晚節傲霜不逐亂蓬飛

金粟叢中憶昔緣謫居猶帶玉霄煙參來色相原無我
悟得浮華即是仙黃鶴江樓聞奏笛紫騮野店看揚鞭
美人有壽恩終在花許重開月再圓

西遊韋杜久回車錦里笙歌慕有餘江上芙蓉秋信老
日邊桃李露痕疏未能插帽馳驄馬且學藏書引蠹魚
律轉陽和應不遠再看羅綺被吾廬

漫興

聞道湘灘又戒嚴賊氛飛擾萬山尖赤眉橫掃兜仍肆

碧血長埋惡未殲雞犬連村民舍徙魚龍失路客舟潛
網繆兩載勤桑土陰雨疏防漏更添

桂管環城萬嶺高西征將帥敢辭勞曾困勉力舒強弩
豈爲歸心折大刀浩劫難收天亦悔前功不棄帝龍
褒封侯萬里尋常事還望凌霄作羽毛此指將兵某男

漫筆

枵腹從軍古所嗟費郊難誓士無譁儲胥夾路誰供米
權稅當關自課茶幾見木牛通棧道轉愁秧馬卧田家
一犁好雨催耕足隴上青苗望歲賒

一城如斗怕人傾聽慣浮言轉不驚短堞揚旗朝失影
得一山房詩集卷上 南

重門擊柝夜稀聲將軍閭外頻承寵宰相山中久得名
指巨紳在籍歸園出處共肩家國任幾回淚眼哭蒼生

是何年少態翩翩舞榭歌臺奏管絃不信江湖方滿地
那知風雨又彌天華堂燕處心雖樂破釜魚遊力尙全

講武即戎桑梓重周郎顧曲莫爭先家林蘇離之隱子
第習爲歌舞既而職官亦與其間往往轉於壯遊無力阻重聞蒿目時艱且息機天地塵昏人計窘
馬舉國莫知其非詩話之者深矣男江河日下世情非寄身逆旅同千古側耳官軍殺一圍
或許繞歌紛奏凱嚴灘風好坐漁磯

插秧詞

東林西林鵲鳩曉上村下村滑滑泥老農喚兒曉當出
昨夜好雨流前畦

一束青青水面栽豐年膏澤望含胎莫教枯槁如窮漢
積穀防饑慰老來

蓬頭赤腳懶簪花村女提壺慣餉茶試問午來炊飯未
分餐肉鮮到儂家

大婦分秧小婦隨拖泥帶水聚東苗新妝不解梳鴉髻
膏沐無香髻似椎

一年又恐一年荒笠影參差首夏忙井字排成千萬箇
南風撲面石灰揚

得一小房詩集

卷上

五

唱罷秧歌要看田巡行西陌又東阡蟬鳴卓午蛙鳴晚
荷篠攜鋤倦未眠

夢亡女

迢迢泉路隔忽喜得歸期長大從懷抱幽明痛別離喚
爺聲暗咽傍母影低垂恍惚平生慈衣裳半敝時
惟怯來何處凌虛獨往還可憐寒骨肉不改病容顏弱
質埋荒草幽魂返故山似言依古佛瑤島好躋攀
亡已一年久人閒可再生誰家初學語今夕獨含情月
掩春燈悄風催曉漏清連牀看弟妹應有淚縱橫
吾生四十六兒女幸成行少汝原非寂爲人竟不長問

年同逝水因夢晤高堂藉此頻來聚餘哀亦可忘

書王介甫臨川集後

人患書不足公患書有餘遺經拾糟粕欲與古聖趨得
君成專擅變法新規模立志本爲國孰知釀癰疽斯民
乃邦本民困邦則墮生今戒反古宣尼著良謨所以子
輿言不可盡信書儻守藝祖法調劑握其樞君臣一德
閒明良復何如胡爲失人情辨姦論不誣我今讀遺編
掩卷爲歔歔

王正先挽詞

冷然香馭藕花風薤露懷聞六月中衡豈驚人憐獨信

得一小房詩集

卷上

六

文難壽世恨何窮歐陽集古廬陵渺摩詰耽吟輞水空
從此湖邊亭榭冷夜闌無客步深叢

塵海浮蹤六十年逍遙原是地行仙田荆合樹花常映

寶桂分香子共連破鏡偶傷孤月夢添香旋結小星緣

羽人閑到滄桑變興盡何妨返碧天

天涯客路怕沈淪回首驅車上計晨顧我無金商解橐

濟人有筏爲通津碎琴舊痛埋安道翳燭詩荷鍾今悲

瘞伯倫太息銜恩山雀在每緣啄粟一傷神

緇帷重託傍吟壇剪燭窗西淚未乾孔李通家叨倚玉

蘇程中表悵摧蘭閨型已斷猶長想鄰杵新停肯達觀

莫怪豚兒同灑涕旁峰也當丈人看

灑落胷中廓有餘是何塊壘未銷除痛呼五夜疑神旺
暢論千秋尚氣舒難忘舊情徐孺榻最憐絕筆豫章書
白雲慘淡悲遊子親舍無人再倚閭

曉鐘敲罷夢茫茫識語偏教應悼亡泉石一生仙世界
煙霞長夜鬼膏肓生營馬鬣君雖達慟徹鵠原我亦傷
聽到墮簾腸斷處擁燈癡坐讀書堂

壽內子

汝年三十八吾年四十六馬齒忝加長鸞膠幸相續結
髮廿餘載偕遊同比目每逢期設悅愧無尊酒祝食貧
得一山房詩集

卷上

七

安素心節儉循所欲持語諸男兒力學干天祿毋忘母
氏慈辛苦從舐犢稱觴或有時戲絲歌華曲齊眉頌康
健南山燦朝綵

寇警

鎖鑰重關阻客行滿街燈火警孤城軍功奏牘三千士
兒戲危樓五百兵破碎山河秦郡治蒼涼壁壘楚歌聲
元戎自是湘中傑穩扼金湯策戰征

豆棚瓜架蔭書帷絃誦聲中鼓角悲棋劫倉皇難措手
酒懷寂歷易攢眉秀才且唱從軍曲良賈都停致富貲
閉市轉愁增市價米珠薪桂費支持

十載刀兵癸水隈何堪銅馬又重來力爭要害關全局
事到艱難識眾才病卒登陣猶鼓舞長官籌帑屢徘徊
宗臣遺像綸巾肅懷古憑臨古將臺桂垣有孔明臺
人生如寄命何窮巖穴倉皇轉徙中巢幕無聊秋後燕
驚弓不定雨餘鴻嘉禾棲畝年空稔蔓草迷天路莫通
休道在城殊在野有家俱屬可憐蟲

和謝方山重九日韻

草檄慚無濟世才重陽風雨逼樓臺夜涼山館圍棋倦
秋老江城畫角哀卷地黃巾飄瞥到依人絳帳等閒開
孤寒笑類陶潛菊花下誰思送酒來

得一山房詩集

卷二

太

佩弓時節佩萸囊講武秋高氣激昂老去爲歡羞杜叟
少年作序慕王郎芳鄰寶樹論交始賸水殘山引興長
留得孤峰奇絕在芒鞋不惜履新霜

催租已了又催詩雲物蒼涼抱悶思網漏吞舟魚去渺
梁空積壘燕歸遲遣人易幟嗟何及與客提壺任所之
爲想寄奴能盪寇項王臺畔弄鞭絲

年來僻隱在牆東光景消磨斷硯中元圃舒懷思醉月
丹梯舉足欲凌風論文自愧雲間陸奏績誰爲樹下馮
極目烽煙猶蔽野驅車還慮阮途窮

紀事四首

烏衣巷口月輪低花萼樓高夜共棲春睡阿婆酣夢境
風流點婢厭香閨陰遮楊柳舟將載樹隔櫻桃路已迷
完璧依然歸趙國奇聞傳偏市東西

結隊如開四照花潛通魚鱗戒聲譁青衣暗脫防無偶
紅綾私分願有家何事慈恩忘種竹非關纖手苦煎茶
怪他髻髮初添者也逐同羣踏岸沙

桂林東望是羊城欲向花田暢麗情一水便通魚婢路
半宵偏警雁奴更鴛鴦拂瓦難藏影鸚鵡歸籠自噤聲
止恨越王臺上月未能如願照人明

纖兒眞笑計荒唐瘴海安能一葦杭仍使流鶯啼老圃
得一山房詩集 卷上 尤

本來飛燕傍華堂白頭尙望施甘雨赤腳終教適異鄉
問價年來奴共賤荆榛滿目誤羣芳

王友山挽詞

寒梅香雪慘離塵東道相延少一人兄是白頭哀季弟
我緣青眼哭周親鴉鵲聯鳳侶慚非偶鳩借鵲巢知有因
何事罡風吹太速管絃方集早回輪

斷腸聲起夕陽收天上人閒黯黯愁腹患河魚剛六日
身騎雲鶴已千秋柏臺慘淡追仙吏請居仲酒國蒼

涼失醉侯五十五年如夢醒竟教花甲數難周

身後何能使坦然臨危無語淚涓涓芝蘭徧種憐長日

鴻雁分飛悵暮年婚嫁未償遊岳志別離空賸挽車緣
豈因同氣悲孤寂攬作蓬萊羽化仙與其兄正先

兩年賓主禮西東馬帳情深戚誼中舉爵不曾邀醉月
驂鸞忽已歎乘風參苓無效難醫命蓬華相依自愧窮
此後讀書求斗酒舜卿何處覓祁公大兒景崧

北上未能賦以志慨

世路崎嶇甚求人實自哀遠天悲鼓角平地起樓臺推
解慚無福艱難爲不才未能隨計吏燕趙策龍媒

落葉

又向空山歎棄材一年濃蔭在莓苔霜沈遠樹江帆出
得一山房詩集 卷上 手

風打疏林野屋開煮酒天寒和醉掃停車秋老助詩來
白雲深處迷樵徑颯颯飛空旅雁哀

縱橫礙路徧荆榛村徑蕭條更愴神黃落宛同秦苑夕
綠稀已了楚山春踏來戎馬忙征客歷盡風霜感戍人
何日曬枯生大野成陰重覆舊香輪

不復籠蔥似畫圖夕陽扶影下平蕪蒼官傲世羣材避
青女行威眾木枯大澤波生雲夢冷荒城月墮石頭孤
山林寥落人消瘦贏得詩情淡欲無

急盼良緣出御溝年年題句付東流飄零但可書宮怨
蕭瑟何能釋暮愁湖底東薪紅不斷林閒掃石翠空浮

浣花詞客容高隱蜀道傷懷玉露秋

長安旅況話蕭森冬日臨窗沒舊陰高露鵲巢驚客眼
亂拋蛩砌逗鄉心黃金臺畔痕初卷碎錦坊邊跡莫尋
刻楮三年仍棄擲幾回倚幹費沈吟

燕南趙北送征軺坂路黃泥第幾條雪裏寒楓紛目極
霜中秃柳總魂銷聲催野店知年晚影墮江隄惜路遙
高處枝多難借蔭止堪歸作故山樵

小除前一日解館愴懷友山

殘年硯耕畢庭梅凍初破忽憶居停人悽然弱一个有
兄六十餘酒肴揖予坐惜無同懷親壩聽倡和微才

得一山房詩集

卷上

圭

素餐忝勉策諸郎課蕙鬱萃桃李灌溉期遠大手澤慰
生存藉以寬吾過

庚申三十首

遊堯山

濛濛東郭野煙低了卻晨餐蠟屐攜佞佛無心貪解脫
看山有興勇攀躋偕遊童冠神俱爽問訊郊原路屢迷
遙指重巖蒼翠台法王飛錫此閒棲

石磴縈紆路幾灣健舒腰腳到禪關田淩青嶂泉通澗

谷滄白雲庵在山佛殿陰沈香火熱道場雜遝亂峯開

湘南花雨今寥落遺像應憐薛跡斑湖山壽佛道場最盛今圯矣

登臨一一度重岡龍種深深瘞骨涼故邸銅駝今蔓草

廢陵石馬古斜陽題名剝落前朝碣大夢喧闌老佛場

派衍天潢無可數墓門高眺此滄桑山下有明

天半鐘魚下翠微野田風急菜花飛半腸緊認來時路

鴉背低翻向夕暉茶話旗亭僧與憩飯香土銓客剛歸

遊蹤笑對妻孥說和氣全家即道機

陽朔黎覃諸生執贄來學觸悲史小筠司馬並懷

許梅生暨汪龍峰姻丈

替操鐵網取珊瑚廉吏襟懷朗若珠桃種河陽春最好
掄才今似使君無

得一山房詩集

卷上

圭

片帆東下浪花忙行過黃墟客斷腸記昨過今雨
論文懷舊雨笛聲重與譜山陽

丁卯何人復住橋盈盈一水歎魂銷更憐豪氣汪倫盡

潭水桃花久寂寥

春宮怨

禁樹依依弄晚寒長門春月夜深看紫雲隱約飄仙曲
知是承恩宴未闌

料峭風消玉殿和驪宮翹首望嵯峨台歡無枕難成睡

蓮漏催人曉起多

春宵俱是可憐宵不近龍顏奉早朝寶扇日華舒雉尾